

# UGOVOR

## Kancelarijski namještaj

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr.sci.oec.prim.spec.dr. Samir Turković

i

R&S d.o.o. Sarajevo ul. Igmanska bb. Vogošća (u daljem tekstu Dobavljač) kojeg zastupa direktor Kemal Selmanagić.

### PREDMET UGOVORA

#### Član 1.

Predmet ugovora je regulisanje prava i obaveza između Ugovornog organa i Dobavljača kao izabranog ponuđača u postupku isporuke „kancelarijski namještaj“ putem direktnog sporazuma, pokrenut na osnovu Odluke o pokretanju postupka broj: 03-08-E.Š.-42525-OPDS/18 od 07.12.2018. godine, Odlukom o prihvatanju ponude broj 03-08.-E.Š.-42525-ODS/18 od 12.12.2018. godine i ponudom Ponuđača broj 26274/18 od 10.12.2018. godine.

#### Član 2.

Predmet ugovora je isporuka kancelarijskog namještaja a prema specifikaciji iz Poziva za dostavljanje ponude broj 03-08-E.Š.-42525-PDP/18 od 29.11.2018. godine.

Opis i količine predmeta nabavke:

Redni broj	Opis	Količina (komad)
1	Stol kancelarijski dimenzija 160x80x74, boja radne površine – bukva, noge i veznik sive boje kao eger U709, materijal stola – oplemenjena iverica 25 mm debljine	6
2	Kaseta – ladičar sa 3 ladice, od oplemenjene iverice 18 mm debljine, sa metalnim vodilicama koje su opremljene sa bravicom za centralno zaključavanje, ladice postavljene na 4 točkica od kojih su 2 na kočnicama, boja korpusa je siva a front boja bukve	6
3	Kancelarijska stolica – fotelja presvučena voodootpornom crnom eko kožom na metalnoj kromiranoj bazi sa plastičnim točkicama, sa ergonomski oblikovanim sjedištem visokog naslona, sa mogućnošću blokiranja sjedala i naslona za leđa u jednoj poziciji kao i podesivog nagiba naslona i fiksnim naslonima za ruke	20

### OBAVEZE UGOVORNIH STRANA

#### Član 3.

Dobavljač se obavezuje izvršiti isporuku kancelarijskog namještaja, koji je predmet ovog ugovora i koji kvalitetom i obimom u svemu odgovaraju karakteristikama preciziranim u Pozivu za dostavljanje ponude broj 03-08-E.Š.-42525-PDP/18 od 29.11.2018. godine, na način i rokovima regulisanim ovim ugovorom i ponudom Dobavljača na adresu Ugovornog organa (Ložionička br.2).

Član 4.

Ugovorni organ se obavezuje da nakon isporučene robe, saglasno narudžbi i cijeni iz ponude, ukoliko ista odgovara ugovorenom kvalitetu, plati ugovorenu cijenu na način i u roku određenom u Odluci o pokretanju postupka nabavke broj 03-08-E.Š.-42525-OPDS/18. ponudom Dobavljača i ovim ugovorom.

Član 5.

Ukupna ugovorena cijana za predmet nabavke iznosi **5.985,60 KM** bez PDV-a (pethiljadadevetstotinaosamdesetpet 60/100) odnosno **7.003,15 KM** sa PDV-om (sedamhiljadatri 15/100) kako je detaljnije navedeno u sljedećoj tabeli:

Redni broj	Opis	Jedinica mjere (KOM)	Količina (A)	Jedinična cijena bez PDV-a (B)	Ukupna jedinična cijena bez PDV-a (C = A x B)
1.	Radni kancelarijski stol	komad	6	350.00	2.100.00
2.	Kaseta (3 ladice sa ključem)	komad	6	210.00	1.260.00
3.	Stolica kancelarijska	komad	20	180.00	3.600.00
<b>Ukupna cijena bez PDV-a</b>					<b>6.960,00</b>
<b>Popust</b>					974.00
<b>Ukupna cijena sa popustom bez PDV-a</b>					5.985.60
<b>PDV na cijenu ponude (sa uračunatim popustom)</b>					1.017.55
<b>Ukupna cijena za ugovor</b>					<b>7.003,15</b>
Slovima: sedamhiljadatri 15/100					

Član 6.

Cijenu iz člana 5. ovog ugovora Ugovorni organ će platiti u roku do 60 dana računajući od dana dostavljene ispravne fakture Dobavljača izdate na osnovu narudžbenice Ugovornog organa za isporuku robe koja je predmet nabavke.

**ROK I NAČIN ISPORUKE**

Član 7.

Dobavljač je obavezan izvršiti isporuku predmeta nabavke u roku do 20 dana od dana potpisivanja ovog Ugovora na adresu Ugovornog organa u originalnom pakovanju. Dobavljač je obavezan da robu koja je predmet nabavke dopremi sklopljenu ili da izvrši sklapanje u prostorijama Ugovornog organa.

Član 8.

Ukoliko se ustanovi da roba koja bude isporučena od strane dobavljača ima oštećenja, ista će biti vraćena dobavljaču i zamijenjena sa ispravnom robom.

Ukoliko se nakon prijema robe uoče nedostaci koji nisu mogli biti uočeni prilikom primopredaje robe, Dobavljač se obavezuje da će u roku od 3 dana odati obavještenja od strane Ugovornog organa odstraniti oštećenja ili istu zamijeniti ispravnom robom u roku od 7 dana.

Član 9.

Dobavljač ima pravo na produženje ugovornog roka ako je u izvršenju isporuke u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode),
- mjere državnih organa.

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

Član 10.

Ako Dobavljač zakasni sa izvršenjem isporuke robe, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

Ako Dobavljač zakasni sa izvršenjem isporuke robe iz razloga koji nisu obuhvaćeni članom 9. ovog Ugovora, Ugovorni organ će Dobavljaču plaćanje po fakturi za robu u kašnjenju umanjiti za 20%.

## NAKNADA ŠTETE

Član 11.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletiranog i osnovanog zahtjeva za isplatu naknade.

## PRESTANAK UGOVORA

Član 12.

Ugovor prestaje njegovim izvršenjem odnosno obostranim ispunjenjem ugovornih strana.

Član 13.

Ugovor može prestati i prije njegovog izvršenja, u slučaju raskida. Ugovorni organ može raskinuti ovaj ugovor:

- ako Dobavljač ne izvrši ugovorenu obavezu,
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako ugovorni organ ne bude mogao da izvršava svoje obaveze iz ugovora.



- ako je došlo do neurednog izvršenja u isporuci robe koja je predmet ugovora.

Zbog zaostajanja u izvršenju isporuke, Ugovorni organ može raskinuti ugovor samo ako je do zaostajanja došlo krivicom Dobavljača.

#### Član 14.

Ugovorni organ će raskinuti ugovor sa Dobavljačem ukoliko se ustanovi da ponuđena roba koja je zadovoljila zahtjeve u ponudi, nije jednaka isporučenoj robi koja je predmet ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20% na iznos neplaćene fakture.

Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju Dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida

### OSTALE ODREDBE

#### Član 15.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

#### Član 16.

Dobavljač nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

#### Član 17.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

### ZAVRŠNE ODREDBE

#### Član 18.

Sastavni dio ovog ugovora su:

- Odluka o pokretanju postupka : 03-08-E.Š.-42525-OPDS/18
- Odluka o prihvatanju ponude: 03-08.-E.Š.-42525-OPP/18
- Prihvaćena ponuda Dobavljača broj 26274/18


Član 19.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Član 20.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ  
R&S d.o.p. Sarajevo



Kemal Selmanagić

Broj:

713/2018

Datum: 27.12.2018. godine.

UGOVORNI ORGAN  
Zavod zdravstvenog osiguranja  
Kantona Sarajevo

Mr. sc. doc. prim. spec. dr. Samir Turković

Broj: 03-08-E.S.-42525-UG/18

Datum: 14.12.2018. godine.